

WIEN UN DEE BIBOL:
CHRISTUNTUUM AA SCANLONSHA FALA
Bootshofft 4

ENNLEIDUNG: (Fu woo disu Wiad uut too shraekjun see daut 'Uutshpraekjungs Blaut'. For pronounciation see the 'Uutshpraekjungs Blaut'.

Lot mie fonn daugol duat iashtu siajun daut onns daut hia ol hafft seeja sheen jugon'. Wie shparun daut onns Lawun ess ssimlich Rikja juwordun. Fonn daugol fooa wie enn dee Boij nenn unn mienu Dochta Kjraich Kopp rieting. Nich fonn dee Boik. Wie foorun gaunts sach unn daut wia arr noch too bosich toom fonn aulus Bilda too namun wuat see wull.

Nuu lot mie noch unn pa Wiad sijun fonn dee Awasattungun fonn dee beible. Daut Oolu Tastament hafft Gott mol aum iashtun lotun enn dee Heebrajashu Shpraak lotun shriewun; daut niat enn dee jriekashu Shpraak. Fonn dee Awasattungun waut wie fonn daugol havun, enn mienu meening, ess dee Hiach Dietchu Awasattung fonn Martin Luther daut basstu. Enn Engolsh ess dee KJV ooda dee NKJV daut basstu. Nuu doa woarun goot maejlich huuach uutjuliadu Menchun no disu Bootshofftun horchun unn dee woarun saijun, "Duu hasst onns jrots lotun weetun daut duu nich too fal weets fonn Awasattungun." Wann hia soonu sullun senn' waut disu sach goot juliat habun, ekj wood juunt seeja wellich sijun woaromm ekj soo jleew.

Unn wieda, ekj hab unn poa mol jusaicht daut jie kjenn juunt disu Sachun aula selfst no seen. Oba daut mucht senn daut jie nich soo leicht bie disu Sachun bie kjenn auss dee waut Engolsh fushtonun.

Unn nuu, eeja wie wieda go'n enn onnsun Teema well ekj wessu Judangkjun mett deelun awa nu Sach waut daut needich ess too fu'ston' enn onnsun Teema. Onnsu Kjarpash habun wessut Ju'brukk toom aum lawun bliewun. Doo sen' dree sortun Sachun waut onns Kjarpa mott habun toom aun go'n bliewun. Disu dree Sachun shauft Gott auss hee Himol un Iad muuk. Daut ess, Lofft, Atun unn Flissunt.

Wieda, aulus waut Gott ju'shauft hafft ess enn eent fonn dree tooshtauntun. Doa ess Gauss. Fonn Gauss jefft daut fu'shienichstut. Dee Loft haft aulusortun Gauss. Dann ess daut waut doa flissunt ess. Wota ooda Sauft unn soo wieda. Dann ess daut waut wie opp Engolsh 'matter' nan'n. Daut ess

aulus waut hoadut ess. Daut ess nich Gauss ukk nich flissunt.

Nuu, toom dam Kjarpa au'm lawun hoolun nempt daut dee raichtu fu'mishtu Gauss, waut wie Lofft nan'; dee raichtu Sachun waut doa flissunt sen', soo auss Wota, unn dee raichtu sachun waut doa hoadrut ooda 'solids' sen'. Nuun maun nempt atun ooda dringtich enn, unn fal mols woat daut enn ju'seltshofft ju'don', daut ess mett aundru toop. Onnsu Shwiadochta kofft mienu Fruu waut aun dee Waunt too hengun unn doa bowun sad daut, "Dee Kjaak ess ju'mengt Familjus toop too bringun".

Oba onnsu ju'selshofft ess meeja mols mett dringtich auss mett atich. Wie mujun onns dol satun fu unn Koffu ooda Tee, ooda Seida. Nuun, mangk Menchun ess daut noch emma soo ju'wasst, unn wia ukk too Bibol Tiet. Oba, doa wia kjeen Koffu, soo wiet auss ekj weet fleicht nich Tee; kjeen Pepsi, ooda Coke ooda Seida fonn arjunt nu sort. Waut haudun dee too dringkjun wann dee sikj dol satun fu ju'selshofft? Unn ekj shlo faa daut dee huach hechsta unn bassta Dringk wia Wien, unn mett Wien meeng ekj Wiendruuwun Sauft. Wien unn Shaykawr, Sauft fonn arjunt waut aundrut auss Wiendruuwun.

Wann daut raicht ess, unn ekj jleew gaunts dietlich duat daut soo ju'wasst ess, unn wann dee habun Wien ju'drungkun waut nich ju'jaet hafft, dann mott wie seen' woo lang daut maejlich ess Wien fresh too hoolun on daut dee jaet.

V. OPPBUWOADA WIENDRUWUN SAUFT TOO BIBLE TIET

A. Dee Noot Aun Oppbuwoada Wien

Toom dee Noot too fu'shton', fu dee Issreelitun Wiendruuwun Sauft fresh too hoolun, ess daut nu halp wann wie daut lawun too Bibol Tiet unn bat fu'shton'. Enn 3 Moosus 17 hab wie Iessreel aaru Sawun Fasstun e'm Joa. Enn onns Joa enn dee Moonatun Augusst unn Septamba wia Iessreel aaru Iashtu Moonat. No aaru raakjning wia daut dee Moonat auss Gott dam Himmol unn dee Iad ju'maekt haud. Daut ess goot maejlich soo. Ditt wia dann aaru iashtu Moonat fu aa ju'weenoljut lawun.

Oba auss Iessreel mol uut daut Ajiptun Laundt kjeem, dann fiad Gott enn daut aaru Moonat, Nisan wuad aaru

iashtu Moonat senn fu aa Jeistoljut lawun. Disu Moonat foll enn oonsu beid Moonatun, Mautz unn Auprel. Enn dee 6 Moonat tweshun wann aa Jeistoljut Joa aunfonk unn aa ju'weenoljut Joa, haudun see 7 Fastun. Dee iashtu 4 Fastun follun enn dee Tiet em Joa auss dee Ju'traed Arnt wia. Dee iashtu dree Fasstun wiarun too dee Joasht arnt Tiet unn dee fiada enn dee Weit arnt Tiet. Joasht unn Weit ess beiduss Jutraid.

Nuu jissturn haff waa mett judeelt mett mie daut Korn enn Huach Dietch ess Jutraed. Mien Groot Groosfoda waut fonn Austria ess jukomun wood daut too gruff senn dut ekj soo prosst Huach Dietch kaun, oba dang sheen fu daut informatsjion.

Dee latstu dree Fasstun follun enn dee Wiendruwun Arnt. Fonn disu 7 Fastun kjria wie daut Broot unn dam Wien fu Owuntmol. Daut Broot kjempt fonn dee Ju'traed Arnt. Jeesus wia mol enn Betlehem ju'boorun. Betlehem meengt daut Broot Huus. Hee wia daut Broot fu onns eewjut lawun. Ditt Broot radt fonn unn goodut lawun unn Frad. Oba dee Wiendruwun Arnt kjeem lota, unn radt fonn Bloot unn Oija. Dee Broot Tiet radt fonn sien iashtut komun. Dee Wiendruwun Tiet radt fonn sien wadda komun.

Oba ditt pu'siad aulla enn Iesreel aaru Fasstun unn too dee Fasstun Tiet wia doa fal freid e'm Launt. Unn Iesreel wia unn Launt fonn Ju'traed unn Frucht. Unn dee Arnt Tiet brocht emma grootu Freid. Ekj well ditt unn bat fu'jlikjun mett auss ekj opp woss. Ju'weeich e'm Hoafst wort Shwien ju'shlacht. Tiedich tsemorjust musst wie opp, bie diesta unn dann wordun dee Shwien ju'shotun unn ju'braicht unn opp ju'hungun toom shlachtun. Bie dan Tiet fongun dee ju'kraugdu Nobash aun hann too komun unn donn wort fal ju'shputssiat unn fal shposs ju'maekt. Medach unn Fasspa fu'bruak dam Dach fein unn aulum jingk daut shein.

Enn Iesreel, too Bibol Tiet, wia daut seeja soo. Wann dee Wiendruwun Goadna sochun daut aa Goadun reed wia dann wort fal toop ju'kraucht toom halpun. Een Buuak bushriff daut dee Staut soo goa meiss ladich wort wann dee Wiendruuwun Arnt iasht doa wia. Falu wordun ju'kraucht toom halpun dee Arnt nenn bringun.

Oba dam Wien maekjun noom meeja auss een Dach. Dann brochtun dee unn Tzelt ooda shleepun flaecht ukk buutun, woemma doa too shlopun jingk. Dann wordun dee Wiendruwen enn nu traumpol Bet nenn ju'draucht. Wann dee iasht foll wia, dann wordun dee Feet unn Been ju'woshun unn donn jingk daut enn dee Bett nenn mett dee boaftu Feet. Bowa dee Bett wia unn Shtrangk ooda arjunt waut toom aun hoolun unn donn wordun dee Wiendruwun ju'traumpolt.

Nuu Wiendruwun unn Wiengoaduss wiarun wichtich enn Iessreel. Hia wort dee bassta Dringk ju'maekt, unn een Dringk waut fal ju'drungkun wort wann doa ju'selshofft wia. 59 mol radt dee Shreffft fonn dam Wiengoadun. Daut Wuut 'Wienrangk' woat 58 mol ju'brukkt. Daut jefft unn bat nu Jidee woo wichtich Wiendruwun wiarun enn ditt Laundt.

Juunt woat daut aula bu'kaunt sen' daut auss Iessreel mol Spion'n no Cana, aun shekt, daut see trig kjeemun met eenun grootun Pingol Wiendruuwun. Ekj hab ju'last daut shwind-u-mol Pingols fonn 6 butt 7 Punt waussun. Doa ess ju'shrawun wordun fonn Stamm fonn nu Wienrangk waut doa 1 ½ Shoo em derch mata ju'wasst sen'. Dee senn' mengkt butt 30 Shoo huach ju'wossun unn fu'spreedun bowun butt 30 Shoo. Eensjumol wiarun doa Pingols butt 10 unn 12 Punt.

Jusaija radt fonn soonu Tiet wann daut shlaicht jeit, nich sheen. Unn hee fu'jlikt daut no nu Wiendruwun Arnt enn nu truaju Tiet. Hee saicht, "Daut sheen gon' ess waich ju'nomun unn dee Freid fonn dam Wiengoadun waut doa fal ju'draucht hafft. Enn dam Wiengoadun ess kjeen ju'sing, unn kjeen froo'ut ju'shrecht; kjeenu Traumpla woarun Wiendruwun Sauft traumpoln enn aaru Bettun. Ekj hab aa froo'ut ju'shrecht maekun opp hiarun." Daut jefft onns unn bessju unn Bilt fonn woo daut ess wann aulus enn'u ordning ess. Dann wia fal freid unn fal jushrecht. Daut jingk sheen unn dee wiarun aula froo. Lot mie noch Rechta 9:27 dee iashtu halft, "Soo jingun see ruut unn saumoldun dee Wiendruwun fonn dee Wiengoadus unn traumpoldun dee, unn wiarun froo."

Wie kun'n hia noch fal meeja too saijun oba ditt rakt too daut Bilt too molun waut onns falt wann dee

Wiendruwun Tiet iasht wia unn dee Sauft ju'maekt wort.

B. Waij Wiendruuwun Sauft Opp tu buwoarun

Soo hab juseen daut Wiendruuwun wiewarun seeja wichtich too Bibol tiet. Unn wann ekj raicht sie daut Gott sienu MENCHUN WIEN DRUNGKUN WAUT NICH JU'JAET HAUD, dann mott daut too wiesun gon' daut Wiendruuwun Sauft jingk opp too buwoarun. Daut woat faekun jujleeft unn bushrawun daut Wiendruuwun Sauft nich lang jingk fresh too hoolun. Daut Engolshu Buuk, "Nia Bibol Wuutas Buuk" saicht aun daut 1254 Blaut, "Dee Wiad 'nia Wien' radt nich fonn Wien waut nich jujaat hafft, dann daut jaarun satt seeja bosich enn, unn onjujaada Wien wia nich fal Moonat no dee Arnt too kjriaajun." Soo jleewun ukk dee miashtu, oba daut ess nich woa. Ditt ess poat fonn onns Scanlonsha fala.

Bie 100 Joa trigg hafft een Maun bie dam nomun William Patton un Buuk jushrawun waut doa heet, "Biblushu Wien, unn Dee Jusatsun awa daut Jarun." Diss Maun ess daut mol wichtich juwordun woo doa judrungkun wort mangk dee waut sikj Christun nandun, unn donn hafft hee sikj daut no justudiat. Fonn doa kjempt ditt Buuak. Enn ditt Buuak bushriffte hee daut soo goa Pradija jeewun too daut unn batju Wien dringkjun Biblush wia. Unn derch sienu grootu Sorj awa disu sach hafft hee ditt Buuak jushrawun. Soo well wie dann nuu seen auss Wiendruuwun Saufft jeit opp too bewoarun.

1. Dee Naturlichu Jusatsun

Nuu doa senn' naturlichu Jusatsun enn Natua. Wie weetun daut aulus waut shwanda ess auss Lofft felte rauf wann daut looss julotun woat. Aulus waut leichta ess auss Lofft foat nupp wann daut looss julotun woat. Ditt senn Naturlichu Jusatsun. Waut senn dee jusatsun waut daut jaarun rujiern? Ooda senn doa soonu?

Daut Buuak wooa ekj iasht fonn rad saicht doa senn dree Waij Wiendruuwun Sauft too hoolun fonn jaarun. Eent, wann eena kaun dee Lofft fonn dam Saufft hoolun dann kaun daut nich jaarun. Tweeduns, wann daut Sauft woat jukaakt unn wessut

Wota doa woat ruut jukaakt dann jaat daut nich. Dreeduns, wann dee Sukka doa ruut juzaft woat dann jaat daut ukk nich. Soo see wie daut doa Waig senn, Wiendruuwun Sauft too hoolun fonn jaarun. Soo senn doa meeja Shriewa waut sikj daut no justudiat habun, unn dee saijun daut daut jeit Wiendruuwun Saufft too hoolun fonn jaarun.

Bie onns kje wie seeja sheena Wiendruuwun Sauft kjeepun unn daut hafft nich jujaat. Ekj hab dee ju'font unn jufraacht woo see daut doon' unn see saijun see maekjun dam Sauft wessu Grodun heet unn dan helt daut bie unn Joa on jaarun.

Wann dee naturlichu Jusatsun woarun no jugon' dee senn seeja shtreng unn hoolun soon Sauft fonn jaarun. Daut Wiendruuwun Sauft nich too hoolun ess on' jaarun ess falahaft judocht.

Wooromm 8 Bootshofftun? Wann jie jugjun aun namu waut ekj juunt saij unn ekj hab juunt disu dingja nich jusaicht, dann woa jie e'm twiewol kommun wann dee waut ditt ncih jleewun juunt saijun daut Wiendruuwun Sauft jeit nicht too hoolun on jaarun.

2. Waij Wiendruuwun Sauft opp too buwoarun

Wie mugjun soo denkjun daut Wiendruuwun Sauft waut jujaat hafft ess oppbuwoat. Daut ess oba nich raicht. Wann Wiendruuwun Sauft jaarun deit dann woat daut sacht shlaicht. Waut doa jaat woat sach shlaicht. Wan wie willu Tierun sheetun enn Caunada, dann lot wie dee eensjumol lang hengun. Enn dam tiet woat daut sacht schlaich. Oba wann eena daut raicht hengun latt dann woat daut Fleesh wakj on daut daut Suua woat unn dann ess daut leichta too fudeiwun wann eena daut att. Wessu jleichun daut soo lang lotun hengun aus maejlich, on daut daut sheicht woat. Oba daut ess dann ol opp dam waich no'm shlaicht woarun. Soo ess jujaeda Wein.

Nuu well ekj noch eenu sach er'wan'. Nich blooss jeit daut Sauft opp too buwoarun, oba daut Frucht selfst jeit enn wessu Waij opp too buwoarun. Dee waut mett Frucht shaufun weetun wann see dee

Grodun raicht hoolun, unn dee Lofft waich kjenn hoolun fonn daut Frucht dan blifft daut fal lenga.

Enn Iesreel ess nu Shtad dee heet Masada. Josephus, unn juudisha Shriewa waut fonn dee fugondu Tiet jushrawun hafft, hafft futallt fonn ditt. Heroodus, dee waut noch unn shtootsju kjennich wia auss Jeesus mol juboorun wia haud sikj opp Masada unn sechra Plautz jubuut, doaropp wann daut mol sul nu shlaichtu Tiet jawun soo auss e'm Kjrigh, dann kunn hee sikj doa buwoarun. Ditt ess een Plautz opp een Boij waut aun aulu siedun seeja steil ess oba bowun ess nu grootu plautu shtad.

Hia bowun haud Heroodus sien secha Plautz unn hia haudun see junuuach Atun bowun daut see doa fu fal Jorun kunn wonn on daut see rauf bruktn. Hia haudun see Jutraed unn Jumiess unn Frucht unn Wien unn Eelj, unn grootu Sisstach foll Raijun Wota. Ekj hab dee Hocka juseen wooa ditt ess juwasst, unn dee Sisstach ukk. Unn doa bowun shrifft disa ess Frucht juwasst waut unn bat weinja juwasst ess auss hundat Joa oolt, unn hee saicht daut wia soo auss fresh! Waa ditt nich jleewun kaun, kaun sikj daut noch selfst no lasun. Diss shriewa hafft aulu sortun aundru sachun seeja kjraikt bushrawun unn wie habun nich uwasak ditt nich too jleewun. Nich blooss daut, doa ess noch meeja oppwiess daut ditt soo ess. Arjunt eena waut Engolsh kaun kaun sikj disu Bootshofftn no horchun unn dann dee Bakja no lasun.

Patton radt dann fonn noch eenum, William Whiston, dee waut daut Buuak awasatt hafft un dee shrifft fonn Josephus sienu bushriewung, "Pliny unn aundru jawun ditt woa, daut Noaring waut soo opp julaicht woat fu nu shwoaru Tiet goot helt fu hundat Joa... (Blaut 17). Dann saicht disa wieda daut dee Shpaunja disu Heemlichkjeit ukk fushtundun daut dee Wiendruuwun kunn goot hoolun fonn eenu Arnt bott dee naekstu.

Disa shrifft opp noch eenu shtad daut een Maun fonn dee gratstu shtada wooa Wien jumaekt woat am

jusaicht hafft daut hee dann jrots uppum Ban fu sien ajuna Desh, Wiendruuwun haud waut wuudun goot bliewun bott dee naekstu Arnt. Unn dann shrifft diss Maun daut no sienu Shtad, doa woa hee bleef wierun Wiendruuwun jubrocht fonn daut faaju Joa waut noch gaunts fresh wierun. Soo senn doa noch fal meeja dingja bushrawun.

Nuu, wann dee too Jeesus sienu Tiet unn lang farhaa haben kunt Frucht opp laijun unn fresh hoolun fu langu Tiedun, woo jleew wie dann daut dee nich haben kunt Wiendruuwun Sauft on jujaet hoolun fonn eenu Arnt bott dee aundru? Daut ess bloos kjeen probleem. Doa ess kjeen fushtriedun daut dee too Bibol Tiet kunn leicht Wien onjujaet hoolun fu een Joa, unn ukk noch fal lenga wann needich.

Dann shrifft Patton wieda daut derch kaekun fulisst dee rikstu Wiendruuw daut jutraik no jaarun. Daut jaarun woat gaunts waich junomun derch dam Saufft bottum kaekun bringun. Dee Saufft wort jukaekt toom dam seet hoolun derch daut Joa. Mangk dee Italishu unn Jriekashu wort dee Wiendruuwun Saufft fal jukaekt.

Oba doa wia noch eenu waich dam Saufft fon jaarun too hoolun unn daut wia derch zawun. Derch ditt woat dee Sukka un Hav fonn dam Saufft jusaft. Patton saicht daut Pliny jusaicht hafft, "Dee Wien mett daut bastu jubrukk woat dam kraufft jubraekun derch dee Zaw."

Wadda, Patton saicht, "Kaptain Treat, en 1845 shrifft: 'Auss ekj aun dee Maa kaunt enn Italy wia toojoashu Wienachtun, forsht ekj busondash fonn dam Wien waut soo fal jubrukkt wort un fungk daut dee Wien waut see daut basstu jleichtun wia seet unn budiesold Maun nich. Dee jukaekta Saufft woat doa fal jubrukkt. Dee Calabrians hoolun aa jujaada Wien unn onjujaada opoat. Dee Budoln senn juweenlich jutakunt. Derchum forshun fungk ekj uut daut dee onjujaada Wien wort daut hechstu juhoolun. Daut wort mett Wota fumisht. Doa wort seeja jushauft junuuach opp too laijun fu daut Joa awa."

Noch eenu waich Wiendruuwun Sauft fresh too hoolun wia waut opp Engolsh heet 'subsidence'. Enn disun waich wort dee Saufft unja 45 Grod juhoolun. Dann jeit dee Ssukka no unjun, unn dee Saufft fudeelt fonn dam Ssukka unn dann jaaut daut nich. Pliny radt fonn ditt daut see dam Saufft donn fuuts enn nu Tonn deedun unn deep e'm Wota ladun.

Dann shrifft hee fonn Columella unn dee saicht, "Holt dee Wiendruuwun toop unn lot dee dree Daugol enn dee Sonn ligun. Unn au'm fiadun Dach bie Meddach dann traumpolt dee. Nampt dam Saufft waut daut iashtu enn dee Bett rant eeja daut jutraumpolt woat unn wann daut iasht busiedolt ess dann een unts iriss; dann zaft daut unn doot daut enn een Jufas nenn. Diss Wien woat zeet unn fein senn unn goot fu dee Jusundtheit."

Noch eemol saicht hee, "Docta Uur saicht daut daut jaarun mucht fushtiat woarun derch wessu sachun mett Shwawolblitt doa mangk unn doa derch daut daut wessut fonn dee Lofft enn nempt fushtiat daut dam Haw." Noch eena saicht daut dee Reema aa Wien mett Shwawolblitt uttraikjrun (fumigate), unn daut dee doa Aeja jalss unn aundru sachun met Shwawolblitt doa mangk deedun. Unn donn wort daut Lofft dicht jumaekt."

Noch een mol saicht hee, "Milla sien Wuuatus Buuak aun Goaduss enn een pungk aun Wien saicht, 'Dee waich Wien opp too buwoarun daut daut fresh blifft ess daut enn seeja shtoakju Tonn doon' unn seeja dicht too maekun, unn dann woat daut nich jaarun. Wann daut mett ee'mol aunfangt too jaarun dan doot daut met Shwawolblitt uttraikjrun.

Soo dann fraug wie, jeit daut Wiendruuwun Saufft fresh too hoolun on daut daut jaarun deit opp enn langut shtoot? Secha. Lot ditt nich een fonn dee sachun senn waut onns maekt jleewun daut dee Wien en dee Shreffft waut Gott jufelt mucht jujaada Wien senn.

IV. DEE UUTFAUL FONN WIEN ENN DEE BIBOL - Freid

A. Dee Probleem mett daut Wuat 'freid'

Soo dann fraug wie onns, wann dee Wien waut dee Bibol too shpraikt nich jujaada Wien ess, wooa romm fing wie dann daut Wuuat 'freid' soo faekjun toop jubrukkt mett daut Wuuat Wien?

Iashtuns, lot mie ditt saijun. Iessreel wia nich emma truu too Gott. Daut wia nich daut kjeena enn dee Bibol hafft jujaadun Wien judrungkun. Oba, wann doa ukk soonu wiarun waut daut deedun, daut saicht opp kjeen wiach daut dee Gott daut too'm jufallun deedun ooda daut hee daut bie jeef. Ditt ess unn wichtja Pungk. Too'm bieshpeel, Abraham hafft jujaadun Wien judrungkun. Kje wie doa ruut namun duat daut dann goot ess? Abraham haud ukk een Kjint mett nu aundru Fruu auss sienu, kje wie doa ruut namun daut Gott daut jufol? Abraham hafft julaugun. Ess lajun dann doa derch een doont? Secha nich!

Tweeduns, wann dee Shreffft bushriffft daut wessu habun junuach judrungkun daut see shaftich wordun, daut mengt nich too saijun daut Gott daut jufold. Ekj hab julast daut wessu Liara saijun daut dee Bibol nonich durekt jujaadut dringktich auf saicht. Daut ess too buduurun, oba ekj saij daut dee Biblio nonich ombudingkt jujaadun Wien bie jefft.

Dreduns, daut kje wie doa nich secha ruut namun daut wan dee Shreffft bushriffft daut wessu judrungkun habun unn senn nohaa shaftich juwasst, daut daut ombudingkt mengt daut dee Wien jujaada Wien wia. Oba doch nam wie hia ruut daut unn bat jujaadun Wien dringkun erlaubt ess enn dee Shreffft.

Soo dann, woo fuhaundol wie dann mett disu sach, daut dee Shreffft bushriffft daut Wien eenum shaftich maekt?

B. Faashlachtun awa Ditt Wuuat - freid

1. Faashlacht eent

Iashtuns, lot mie ditt saijun: Dee freid ooda daut shaftich senn waut kjempt fonn jujaadun Wien dringkun kjempt fonn unn wessut duun senn. Soona waut sikj shaftich shpaat fonn jujaadun Wien dringkun ess ol unn bat duun. Nu well ekj

disu Fraug shtalun: Ess daut undoont bie Gott wann eena sikj budringt? Wie saijun, na. Unn dann fraug ekj, wann eeja ess eena duun? Ess eena duun wann eena shafftich woat fonn Wien? Ess eena duun wann dee iasht nich meeja kaun jlikj gonn? Ooda ess eena duun wann eena iasht nich meeja opp dee Feet bliewun kaun?

Enn Kaunada, eeja dee Politz kunn' eenum dam Odum unjasakjun wann see buduadun auss eena haud too fal Alcohol juhaut, dann muakun see eenum opp dee wittu ooda jalu Lienju gonn'. Wann eena doa nich kunn bowun bliewun mengdun see wia eena too duun toom secha foarun. Soona shpaat sikj noch nusht duun oba dee Politz weetun daut bie soonum shauft nich aulus soo bosich e'm Kjarpa auss daut sull. Dee ess ol unn bat duun, unn bat too duun. Unn ekj Fraug, wann wie saijun Gott well daut nich habun daut wie sellun duun senn, woo fal kje wie dann dringkun? Kjeena weet.

Doa derch daut Alcohol nich uut dam Kjarpa soo jeit auss aullus andrut waut wie atun ooda dringkun unn jeit e'm Bloot, kjenn dee nuu eenum sien Bloot nosakjun unn kraikt weetun woo duun unn Mench ess. Wann dee punk 08 ess enn Caunada, siajun see ess dee too duun toom foarun. Wann unn Mench tweshun .50 unn .60 ess, dann shtoaft dee fonn dam jefft waut enn Alcohol ess. Soo dann, wann eena unn kjlienut bat judrungkun hafft ess eena unn kjlienut batsju duun. Ess daut bie Gott aunjunam? Nu fraug ekj, woo duun ess unn Mench wann dee sikj iasht goot shpaet? Gaunts secha ess dee dann ol unn bessju duun. Ess daut bie Gott aunjunam?

Wieda, wann eena iasht soo fal judrungkun hafft bott eena shafftich woat, dann ess meiss aul dam Mench sien juwaa jaajun Sind ol dol jushlaujun. Nu ess dee Mench reed jumaekt fu Sind. Ess daut aunjunam bie Gott? Wie radun fonn onns Kjarpa buharshung. Wann unn bat Alcohol e'm Kjarpa benn ess, ess dee buharshung ol meiss too lot! Wann Mench sikj iasht froo shpaut fonn Alcohol, dann kjricht dee fleeshusslosst dee awamacht. Woo ess daut, duat wie ditt nich seen' kjenn? Doa derch daut dee Beesa onns dee Uugun hafft too

jushpretst.

SHLUSS: Too'm schluss, wie habun juseen woo wichtich Wiendruuwun Sauft wia too dee Bibol Tiet. Wie habun juseen woo daut too dee Arnt Tiet wia. Ditt wia nu seeja sheenu Tiet unn dee woarun sikj fal jufreit habun too dee Arnt. Jungu Menchun woarun sikj faakjun jutroffun habun unn nohaa fleicht bufriet doaderch daut see habun toop Wiendruuwun juarnt.

Aulus wort jubrukt fonn dee Wiendruuwun Pingols. Dee kjlienu Assta, dee Wiendruuwun Shall, dee Kjiena; auluss wort jubrukt. Dee Englenda sadun fonn dee Mennonitun wann dee Shwien shlachtun deedun dee eetun aulus up buta dee aa jushricht, ooda jupiep. Soo wia daut enn Iessreel mett dee Wiendruuwun.

Wieda, wie habun wessu Naturlichu Gruntsautsun juseen waut daut jaarun rejierun. Wie habun juseen daut daut maejlich ess Wiendruuwun Sauft fresh too hoolun fu een langut shtoot. Ditt ess dann kjeenu uasaak fu onns too dengkjun daut dee Wien too Bibol Tiet aula ju'jaeda Wien wia.

Latstuns hab wie daut Wuuat 'Freid' aunjufangkt too butrachtun unn dee Fraug, woo kaun Wien waut nich Alcohol hafft freid bringun? Ditt woa wie morjun tseowusst, soo Gott well, wieda no seenun.